

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 202. sjednici, održanoj dana 29.01.2015. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi OV Maglaj, broj: 02-05-1-875/13., od 22.05.2013. godine, sa tematske sjednice o stanju u obrazovanju održane 16.05.2013. godine, vezane za dio Zaključka koji se odnosio na donošenje Zakona o obaveznom srednjem obrazovanju na području Zeničko-dobojskog kantona, a koje se prilaže uz ovaj zaključak i smatra njegovim sastavnim dijelom.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 29.01.2015. godine

PREMIJER

Munib Husejnagić, dipl.ing.maš.

DOSTAVLJENO:

1x Ministarstvu za obrazovanje, nauku, kulturu i sport,

1x Stručna služba Skupštine,

1x a/a.

Na pokrenutu Inicijativu za donošenje Zakona o obaveznom srednjem obrazovanju na području Kantona, sadržanu u tački 6., Zaključka OV-a Maglaj, broj: 02-05-1-875/13., od 22.05.2013. godine, donesenog na tematskoj sjednici o stanju u obrazovanju, održanoj 16.05.2013. godine, resorno ministarstvo daje slijedeće:

MIŠLJENJE

S obzirom na činjenicu da je tokom 2010. godine, Ministarstvo za obrazovanje, nauku, kulturu i sport u Vladi Zeničko-dobojskog kantona, postupajući skladu sa svojim zakonskim nadležnostima, aktivno učestvovalo u zajedničkom stručnom projektu, **“Obavezno srednje obrazovanje u BiH- Ambijent i perspektive”**, vođenom od strane **Centra civilnih inicijativa u Sarajevu**, (vidjeti kopiju izdanja brošure u prilogu), bili smo u prilici da se očitujemo po svim bitnim aspektima uvođenja obaveznog srednjeg obrazovanja, uz neposredni uvid u stanje i prisutna rješenja ovog aktuelnog pitanja u našem okruženju.

Imajući u vidu sve relevantne pokazatelje, saznanja, te ostale aspekte i perspektive, (posebno u periodu koji je prethodio objektivnim recesijskim okolnostima), resorno ministarstvo se izjasnilo da bi donošenje ovakvog zakona, odnosno adekvatne izmjene i dopune postojećeg **Zakona o srednjoj školi**, (**“Službene novine Zeničko-dobojskog kantona”**, broj: 05/04, 20/07,19/9 i 9/11), neodložno zahtijevalo dodatna zahvatanja u Budžetu Kantona iz kojeg se finansiraju sve zakonske obrazovne potrebe srednjih škola, u iznosu od **(cca.7.000.000.00 KM)**. Pri tome, uzeti su u obzir relevantni podaci o broju učenika koji završavaju osnovnu školu, potrebe njihovog prijevoza s obzirom na geografsku razućenost našeg kantona i činjenice da je riječ samo o centralnim školama, (nepostojanje područnih škola u srednjem obrazovanju), povećanog broja upisanih učenika uključujući i marginalizirane grupe, ali i drugi nužni izdaci koji ulaze u prava i obaveze osnivača srednjih škola kao javnih obrazovnih ustanova u državnoj svojini, poput nabavke-osiguranja odrećenog broja udžbenika, obaveznog osiguranja učenika, produćenog boravka u školama pratećeg opremanja istih, dokumentacije i slično. Naglašavamo da su putem uporednih analiza u našem okruženju, razmatrana i druga rješenja poput ogranićenog srednjeg obrazovanja na jednu do dvije prve godine, u taćno odrećenim stručnim školama i slično. Međutim, svako od tih rješenja, prema datim obrazloženjima, neupitno iziskuje dodatna finansijska opterećenja, kako za Budžet Kantona, tako i za ućenike i njihove roditelje. S druge strane, uvođenje obaveznog srednjeg obrazovanja bi se poklapalo sa preporukama iz usvojene **Strategije prevencije u borbi protiv maloljetnićke delinkvencije**, kao i aktuelnih strategija u borbi protiv siromaštva, odnosno širim društvenim nastojanjima da se putem obrazovnog sistema podiže i nivo općeg društvenog obrazovanja graćana na području našeg kantona. S tim u vezi istićemo i činjenicu da su upravo ovi razlozi opredijelili resorno ministarstvo da u proteklom periodu, aktivnim ućešćem u raznovrsnim ciljanim aktivnostima, (sa različitim vladinim i NVO sektorima, “Save the children-Norway” “USAID”, “World Vision”), uspješno implementira što više konkrećnih projekata usmjerenih ka većem uključivanju u graćana u sistem obrazovanja, (uključujući i završetak, već obaveznog osnovnog obrazovanja), ali i dokvalifikacija i prekvalifikacija u segmentu srednjeg obrazovanja, što je i rezultiralo planiranom donošenju **Zakona o obrazovanju odraslih Zenićko-dobojskog kantona**.

U svakom slućaju, resorno ministarstvo u naćelu podržava iznesene razloge i potrebe za uvođenjem obaveznog srednjeg obrazovanja sublimirane na tematskoj sjednici OV-a Maglaj, i sadržane u podnesenoj inicijativi, ali **istu smatra preuranjenom**, upravo zbog postojećih objektivnih recesijskih okolnosti i ogranićenih budžetskih mogućnosti. (U tom smislu podsjećamo na aktuelne primjere problema adekvatnog finansiranja obaveznih 150 sati predškolskog odgoja i obrazovanja za svu djecu, u godini pred pred polazak u školu, a koje je zakonska obaveza Kantona). Također smo stajališta da bi u oćitovanju o eventualnom planiranju donošenja ovakvog zakona, ili izmjene postojećeg, (zbog bitnih kvalitativnih promjena), bilo neophodno postići i odrećene prethodne dogovore sa ovlaštenim predstavnicima obrazovnih sindikata, kao i drugim zainteresovanim stranama poput aktiva direktora srednjih škola i NVO-ija i udrućenja iz segmenta obrazovanja.

S poštovanjem,

MINISTAR
Mirko Trifunović

Dostavljeno:
1x Stručna služba Vlade
2x a/a-01/02.